

王雲五主編  
周貞亮著

梁昭明太子蕭統年譜

臺灣商務印書館發行

中華民國七十年十月初版

梁昭明太子蕭統年譜 一冊

基本定價五角正

著者 周貞亮

主編者 王雲五

發行人 朱建民

印刷及發行所

臺灣商務印書館股份有限公司

臺北市重慶南路一段三十七號

登記證：局版臺業字第〇八三六號

版權所有  
翻印必究

片編中國名人年譜集附詳考索引考

不謂新編中國名人年譜集成冊、以年表の  
十有百民了同一之也。因抗戰の中心。若日  
國二十一年一、二、三、四、五、六、七、八、九、十  
上等ハ一三之等乃抗戰の原、利司在彼等  
此等年表為條一、二、三、四、五、六、七、八、九、十  
目、先後訪病本改亦難十の為母、其年表  
編一、二、三、四、五、六、七、八、九、十、  
外者皆訪病本改亦難、合計ハ二百餘種、以  
板加研究。難忘年譜之心、宜於研究、多為

諸君の内訂、或口授書中の人等、不知二、三、  
 之、道、一、為、久、在、人、故、者、誠、見、以、或、違、物、也、の  
 功、者、陳、本、則、講、主、既、經、本、才、不、得、之、以、史、家、大、  
 於、評、確、古、代、其、比、原、以、考、証、名、以、修、所、在、一、故、  
 解、有、願、其、以、與、原、氏、史、家、力、於、新、領、可、得、  
 、通、有、不、利、於、新、領、之、記、哉、甘、平、則、治、七、或、由、  
 其、力、之、本、而、多、因、時、史、也、多、有、是、者、正、為、哉、之、考、  
 也、本、旨、重、由、道、七、今、則、治、其、神、其、因、是、為、之、  
 史、事、也、少、抄、與、新、人、等、諸、相、哉、結、之、為、世、美、也、  
 中、の、事、は、後、之、多、議、の、事、也、也、

至唐百代以家法傳，如由後人記史亦可  
謂之遺教。按唐書稱而後，而宋以後各書之也  
其：然今治一略，二之備書，其究如家法後  
自語之比也。是為年之十有餘年之如傳。

今其施者如及世皆，隨其中心而釋其道而  
動也。按其所生之傳不稱之七系同傳者同釋，  
以其世稱指古傳，事及後世，以其教傳到傳也  
其：切之知也，然有等後，特不略曰取一回  
也。故，其為其時同治人而回也。故，其初社者  
也，其初社才其角也。則其教行，其有年諸石內

式有之學門也、連同社收也人等心及土地者也  
 卷之四、合計之書二万餘以上、即憶の十季前未  
 竟之功、如方二三季、若一而隨訪遺使或計五  
 、若不就道三万餘卷本、一而通釋結要及其指  
 多方以表也、如定何者二万餘、一而遺語論  
 卷索引、如名後全部之改索引、殊在二二万餘  
 之矣、如後集を讀索引之七卷、二万餘の紙也  
 其書之取定記法、世々編索引、如好孤本之  
 一、讀先の多也、如讀重少は乃善手冊、如遺使  
 乃、用即決定の本年の月日表毎月景於十餘、分

精算の、子收成不同大正統一の廿二百年、重  
大難多あり二十の分式三十二年、廿三百年、五  
百六十小年、廿の分式、子收成、字體二、  
並り、子收成、地、廿二、字體、  
小、子收成、字體、人、  
の、字體、  
五七、  
大、  
取、  
正、

中華民国七年三月十日

## 新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二三十種，連同中國史地叢書所收館內外專家新著如千種，合計不下二百餘種，得暇輒加研究。藉悉年譜之作，實始於宋，多數爲譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代爲編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝爲勝朝所撰，遇有不利於新朝之記載，無不刪汰，甚或曲筆爲之。幸而我國修史者多爲具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此爲宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是爲余四十年前所得之印象。



今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名爲財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因卽決定自本年四月起每月景印十種，分輯發行，其版式不同者皆統一爲卅二開本。查古籍多爲二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人文庫本爲四十開，字體略小，研究年譜者多爲中年以上之士，因一律放大爲卅二開，則字體隨版式而加大；且集成全書可大小一致，間有佳作爲同業出版而必須納入集成者，則當洽讓版權，想同業樂觀厥成，當不難達成協議也。是爲序。

中華民國六十七年三月十五日王雲五

## 序

年譜依編年順序記載一人生平之事蹟，宋以後名人往往有之，大抵爲譜主自訂，或爲門生故舊所撰，亦有後人於古代名人就其著述，考其事蹟，爲之編訂者。年譜所述言行事實，大都詳確，可補史書之厥失，此其可貴處。

商務印書館從事編輯歷代名人年譜，始於上海，主其事者爲本館王故董事長雲五先生。遷台後，及雲老復主持本館，以前在大陸所藏圖籍散佚，重新蒐集，歷年所得舊刊新著，已達二百餘種，定名新編中國名人年譜集成，自民國六十七年四月起分輯發行，每輯十冊，迄六十八年雲老逝世之時，已刊行六輯。七輯以後自本年起照原定計畫陸續刊行。今雲老雖已謝世，不克親睹全部計畫之完成，然各輯目錄早經其生前決定，爲誌其四十餘年來與年譜集成之編輯工作相始終，仍標明雲老主編。

臺灣商務印書館編審委員會

民國六十九年四月二日

# 梁昭明太子蕭統年譜

周貞亮 著

昭明太子諱統，字德施，小字維摩，南蘭陵中都里蕭氏，梁高祖武皇帝長子也。祖諱順之，齊高帝族弟，參預佐命，封臨淄縣侯，歷官侍中衛尉，太子詹事，領軍將軍，丹陽尹，薨贈鎮北將軍。母丁貴嬪。高祖仕齊明帝朝，由寧朔將軍，預蕭詵等定策勳，封建陽縣男。建武二年，爲右軍晉安王司馬，淮陵太守，還爲太子中庶子，領羽林監，頃之，出鎮石頭。四年，魏帝自率大衆寇雍州，明帝令高祖赴援，十月至襄陽，詔又遣左民尚書崔慧景總督諸軍，高祖及雍州刺史曹武等，並受節度。明年（永泰元年）三月，慧景與高祖進行鄧城，魏主率十萬餘騎奄至，慧景失色，引其衆退，魏騎乘之，於是大敗，士卒死傷略盡，惟高祖獨率衆拒戰，因得結陣斷後，全師而歸，俄以高祖行雍州府事。其年七月，仍授持節都督雍梁南北秦四州郢州之竟陵司州之隨郡諸軍事，輔國將軍，雍州刺史。其月明帝崩，東昏即位，揚州刺史始安王遙光，尚書令徐孝嗣，尚書右僕射江祐，右將軍蕭坦之，侍中江祀，衛尉劉暄，更值內省，分日帖敕。高祖聞之，謂從舅張弘策曰：「政出多門，亂其階矣，詩云「一國三公，吾誰適從」，況今有六，而

可得乎！嫌隙若成，方相誅滅，當今避禍，惟有此地，勤行仁義，可坐作西伯，但諸弟在都，恐罹世患，須與益州圖之耳。」時高祖長兄懿罷益州還，仍行郢州事，乃使弘策詣郢，陳計於懿，謂「今六貴爭權，各欲專威，睚眦成憾，理相屠滅，若隙開罅起，必中外土崩，今得守外藩，幸圖身計，及今猜防未至，宜召諸弟，以時聚集，後相防疑，拔足無路矣。」懿聞之變色，心弗之許。高祖乃啟迎弟偉及憺，是歲至襄陽，於是營造器械，密爲舟裝之備。永元二年冬，懿被害信至，高祖密召長史王茂等謀之，既定，以十一月乙巳，召僚佐於廳事，諭以共興義舉，各盡勳效，是日建牙，收集得甲士萬餘人，馬千匹，船三千艘。先是東昏以劉山陽爲巴陵太守，配精兵三千，使過荊州，就行事蕭穎胄，以襲襄陽，高祖知其謀，乃遣參軍王天虎等詣江陵，徧與州府書，及山陽西上，高祖謂諸將曰：「荊州本畏襄陽人，如唇亡齒寒，自有傷弦之急，寧得不聞同耶，我能使山陽至荊，即便授首」；於是密以計令穎胄斬天虎，送首山陽，山陽信之，將數十騎馳入，穎胄伏甲斬之，送首高祖，仍以南康王尊號之議來告，且曰：「時月未利行軍，當須來年二月，遽便進兵，恐非廟算」，高祖不從；竟陵太守曹景宗，遣杜思沖勸高祖迎南康王都襄陽，待正尊號，然後進軍，高祖亦不從。三年二月，南康王爲相國，以高祖爲征東將軍；戊申，高祖發襄陽，移檄京邑，歷數東昏之罪，至竟陵，命長史王茂

，與太守曹景宗爲前軍，至漢口，輕兵濟江逼郢城；乙巳，南康王卽帝位於江陵，改永元三年爲中興元年，遙廢東昏爲涪陵王，以高祖爲尙書左僕射，加征東大將軍，都督征討諸軍事，假黃鉞。四月，高祖出沔，命王茂蕭穎達等，進軍逼郢城。六月，西臺遣尉席闡文勞軍，齎蕭穎胄等議，欲請救於魏，與北連和，高祖不聽。八月天子遣黃門蘇回勞軍，高祖登舟，命諸將以次進路。九月，天子詔高祖平定東夏，並以便宜從事，於是高祖事無掣肘，得迭克郢城，揚帆東下矣。

### 齊中興元年九月，太子生於襄陽

母丁貴嬪，諱令光，譙國人，世居襄陽，貴嬪生於樊城，有神光之異，紫烟滿室，故以光爲名；相者云：「此女當大貴」，高祖臨州，丁氏因人以聞，貴嬪時年十四，高祖納之，永泰元年高祖初至襄陽時事也，至是年十七，誕育太子。時高祖方起義師，貴嬪與太子留在州城，京邑平，乃還京都。是歲高祖年三十有八，旣年垂強仕，方有冢嗣，時徐元瑜降，續又荊州使至，云「蕭穎胄暴卒」，時人謂之三慶，少日而建業平，識者知天命所集云。先是義師逼郢城，魯山城主張樂祖，郢城主程茂薛元嗣，相繼請降，命上庸太守韋叡守郢城。是月義師次潯陽，冠軍將軍陳伯之束甲請罪，高祖留少府長史鄭紹叔守江州城。前軍次蕪湖，南豫州刺史申胄棄姑孰走，大軍進據之，仍遣曹景宗蕭穎達

領馬步，進頓江寧。東昏遣征虜將軍李居士率步軍迎戰，景宗擊走之，於是王茂呂僧珍進據赤鼻邏，曹景宗陳伯之爲游兵。是日新亭城主江道林率兵出戰，衆軍擒之於陣。大軍次新林，命王茂進據越城，曹景宗據皂莢橋，鄧元起據道士墩，陳伯之據籬門。道林餘衆，退屯航南，義軍迫之，因退保朱雀，憑淮以自固。時李居士猶據新亭壘，請東昏燒南岸邑屋，以開戰場，自大航以西，新亭以北蕩然矣。十月，東昏石頭軍主朱僧勇率衆歸降。東昏又遣征虜將軍王珍國率軍列陣於航南大路，尙十餘萬人，闌人王偃子持白虎幡，督率諸軍，又開航背水，以絕歸路。王茂曹景宗等犄角奔之，將士皆殊死戰。珍國之衆，一時土崩，投淮死者，積尸與航等，於是朱雀之衆，望之皆潰。義軍追至宣陽門，李居士以新亭壘，徐元瑜以東府城降，石頭白下諸軍並宵遁。王午，高祖鎮石頭，命衆軍圍六門。東昏悉焚燒門內，驅逼營署官府並入城，有衆二十萬。青州刺史桓和給東昏出戰，因以其衆來降。高祖命諸軍築長圍。初，義師之逼，東昏遣軍主左僧慶鎮京口，常僧景鎮廣陵，李叔獻屯瓜步，及申胄自姑孰奔歸，又使屯破墩，以爲東北聲援。至是高祖遣使曉諭，並率衆降。乃遣弟輔國將軍秀鎮京口，恢屯破墩，從弟寧朔將軍景鎮廣陵，吳郡太守蔡夤棄郡赴義師。十二月丙寅，兼衛尉張稷，北徐州刺史王珍國，斬東昏，送首義師。高祖命呂僧珍勒兵封府庫及圖籍，收嬖妾潘妃，及凶黨王暄之以下四

十二人屬吏誅之。宣德皇后令廢涪陵王爲東昏侯，授高祖爲中書監大司馬，錄尚書，驃騎大將軍，都督揚州刺史，封建安郡公，食邑萬戶。給班劍四十人，黃鉞侍中征討諸軍事並如故，依晉武陵王邊故事，百僚致敬。己卯，高祖入屯闕武堂，下令大赦；丙戌，入鎮殿內，是日鳳凰集建業。

## 二年卽梁天監元年 太子二歲

正月辛卯，高祖下令通檢尚書衆曹，東昏時諸諍訟失理，及主者淹停不能施行者，精加訊辦，依事議奏。甲午，天子遣兼侍中席闡文等慰勞都下。乙未，下令朱雀之捷，逆徒送死者，特許家人殯葬，又下令減省浮費。戊戌，宣德皇后臨朝，入居殿內，拜高祖大司馬，解承制，百僚致敬如前。丁亥，詔進高祖都督中外諸軍事，劍履上殿，入朝不趨，贊拜不名，加前後部羽葆鼓吹，置左右長史司馬從事中郎掾屬各四人，並依舊辟士，餘並如故。甲寅，齊帝進高祖位相國，總百揆，封十郡爲梁公，備九錫之禮，位在諸王上。高祖固辭，府僚勸進，不許。二月辛酉，府僚重請，始受相國梁公之命。丙戌，詔進梁公爵爲王，以豫州之南譙廬江，江州之尋陽，郢州之武昌西陽，南徐州之南琅邪南東海晉陵，揚州之臨海永嘉十郡，益梁國，并前爲二十郡，其相國揚州牧驃騎大將軍如故。高祖固辭，有詔斷表。相國左長史王瑩等，率百僚敦請。三月，郡國迭奏甘露毛

龜白臺五色雲龍騶虞之瑞。癸巳，高祖受梁王之命，下令赦國內殊死以下。丙辰，齊帝禪位於梁王，卽安姑孰。四月辛酉，宣德皇后令，以帝憲章前代，敬禪神器於梁，明可臨軒遣使，恭授璽紱，未亡人便歸於別宮。壬戌，齊帝以策命璽書，奉皇帝璽紱於梁。高祖抗表辭讓，表不獲通。於是齊百官豫章王元琳等八百一十九人，及梁臺侍中臣雲等一百一十七人，並上表勸進，高祖謙讓不受。是日太史令蔣道秀陳天文符讖六十四條，事並明著，羣臣重表固請，乃從之。是月丙寅，高祖卽皇帝位於南郊，設壇柴燎，告類於天，禮畢，備法駕還建康宮，臨太極前殿大赦，改齊中興二年爲天監元年，封齊帝爲巴陵王，全食一郡，以齊宣德皇后爲齊文帝妃，齊帝后王氏爲巴陵王妃。封皇弟中護軍宏爲臨川王，輔國將軍秀爲安成王，冠軍將軍偉爲建安王，右衛將軍恢爲鄱陽王，荊州刺史憺爲始興王。己巳，巴陵王殂於姑孰，追諡爲齊和帝，終禮一依故事。閏月壬寅，有司奏追尊皇考爲文皇帝，廟號太祖，皇妣張氏爲獻皇后，陵曰建陵，妃郗氏爲德皇后，陵曰修陵。時有司奏立儲副，高祖以天下始定，百度多闕，未之許也；羣臣固請，多十一月甲子，立統爲皇太子。時太子年幼，依舊居於內，拜東宮官屬文武，皆入直永福省。先是太子母爲貴嬪，位在三夫人上，居於顯陽殿，至是太子定位，有司奏禮母以子貴，皇儲所生，不容無敬，請依宋泰豫朝議，百官以吏敬敬帝所生故事，以敬皇太子之



禮敬貴嬪，於是貴嬪備典章禮數，同於太子，言則稱令。

### 天監二年 太子三歲

春正月乙卯，以前將軍鄱陽王恢爲南徐州刺史。十月丁未，皇子綱生。太子母弟也，爲祖第三子。太子生而聰睿，是歲卽受孝經論語。

### 三年 太子四歲

春正月戊申，後將軍揚州刺史臨川王宏進號中將軍。秋七月甲子，立皇子綜爲豫章郡王，其母吳淑妃，自齊東昏宮得幸於高祖，七月而生綜，是爲高祖第二子。

### 四年 太子五歲

春正月，以鎮北將軍雍州刺史建安王偉爲南徐州刺史，南徐州刺史鄱陽王恢爲郢州刺史。十月丙午，北伐，以中軍將軍揚州刺史臨川王宏都督北討諸軍事。是歲初開五館，以太常丞賀瑒兼五經博士，別詔爲皇太子定禮，撰五經義。太子是歲徧讀五經，悉能諷誦。

### 五年 太子六歲

春正月乙亥，以豫章王綜爲南徐州刺史。甲申，立皇子綱爲晉安郡王。五月庚戌，太子出居東宮，太子性仁孝，自出宮恆思戀不樂，高祖知之，每五日一朝，多便留永福省，或五日三日乃還宮。秋八月，作太子宮。